

藏園羣書經眼錄

(二)

傅增湘撰

書目題跋叢書

中華書局

書目題跋叢書

藏園群書經眼錄

(二)

史部  
傅增湘撰

中華書局

## 藏園羣書經眼錄卷三

### 史 部 一

#### 紀 傳 類

**史記一百三十卷** 漢司馬遷撰 褚少孫、唐司馬貞補

明黃之采刻白文本。有黃筆朱筆墨筆評點，並錄歸震州有光評點。有跋錄後：

“予舊有震川先生批本史記，乃蔣子遵太守家臨本，甲辰借臨一過。後又從晉陵楊農先前輩家借所藏本覆校，蓋同出一本所臨也。吳晚亭館丈語次言崔侍御家亦有震川批本，人多從借臨，蓋崔君能不吝，以流布為喜故耳。因轉借覆閱，頗有異同，其黃圈多得肯綮。先生與王子敬小東，子長大手筆多於黃圈識之。意先生評本不一，兩本或非一時所閱，因別用此本臨之。丁未七月”

每冊鈐汪由敦印二方。（余藏）

**史記集解一百三十卷** 漢司馬遷撰 劉宋裴駟集解

北宋刊遞修本，半葉十行，每行十九字，注雙行二十五六七字不等，白口，左右雙闌。版心題史本紀幾或世家幾，下方記刊工姓名，有牛賢、朱宗、朱保、石貴、印貴、安明、周成、吳安、吳圭、洪吉、何光、何先、何立、陳信、陳忠、陳擇、陳昌、陳吉、陳宥、陳浩、陳言、呂吉、胡

恭、孫安、邛安、張珪、張聚、張宣、張安、么珪、鄭璋、鄭彥、鄭安、許宗、許簡、許亮、趙昌、趙建、嵇起、華連、湯立、凌安、郎政、沈成、沈誠、施元、楊琪、楊守、衛玉、徐雅、徐真、屠亨、屠式、屠室、屠聚、錢真、蔣宗、蓮、金、祥。以上爲原版。又牛實、牛可道、毛諫、毛諒、王惠、王珙、王華、王受、包正、史彥、江道、江通、阮于、宋俅、宋掾、宋榮、吳亮、呂堅、林英、胡滂、張敏、趙宗、俞忠、全、徐政、徐忠、徐昇、徐杲、徐高、徐從、孫勉、孫祥、劉中、劉閏、劉廷、劉延、陳哲、陳全、陳迎、陳彥、顧淵、顧忠、章珙、章楷、黃宇、黃暉、嚴端。以上補板。首卷首行題史記集解序，次行低八格題裴駟二字，三行序文起。序後接連正文，題五帝本紀第一，次行題史記一。以下各卷均大題在下，小題在上，每卷空一格標小題。

配南宋黃善夫刊本五卷，爲列傳四十一至四十五。半葉十行，每行十八字，注小字雙行二十三字，細黑口，左右雙闌，版心上記字數，左闌外記篇名，每卷小題在上，大題在下。

配元大德本九卷，爲本紀五六、世家十八至二十、二十二至二十五。半葉十行，每行二十二字，注雙行同，黑口，四周雙闌，版心上方右記饒學、或堯學、或饒路學、或路學、或堯泮、或錦江、或番學補刊等字，一面記字數，下方記刊工姓名。每卷小題在上，大題在下。

按：此書海內孤本，數百年來不見著錄，余丁巳歲得於文奎堂書坊。微聞書出山右故家，賈人初獲時亦不無奢望，挾之遍扣京津諸藏書名家之門，咸斥爲南監爛版之最晚印本，歲餘無肯受者。遂漫置架底，任其塵封蠹蝕，乃爲余無意獲之，物有遇有不遇，信然！不然長安逐鹿者多，其價將十倍而未止，豈區區微力所克舉哉！沅叔。

### 史記集解一百三十卷 漢司馬遷撰 劉宋裴駟集解

北宋刊本，版匡高六寸六分，闊四寸五分，半葉十四行，行二十五至七字不等，注雙行，白口，左右雙闌，版心上記第幾冊、本紀幾，中記

葉數，下記刊工姓名。鈐有徐乾學藏印。

按：此本刻工極古朴，與端方藏百衲本史記第一種同。（常熟瞿氏鐵琴銅劍樓藏，乙卯八月三十日訪書虞山，見于罟里瞿宅）

**史記集解一百三十卷** 漢司馬遷撰 劉宋裴駟集解 存世家一至九，十四至十九，列傳二十一至四十一，四十九至七十，共得五十八卷

北宋刊本，半葉十四行，每行二十五至八字不等，白口，左右雙闌，板心下方偶有記刻工姓名者。注雙行三十三至五字。宋諱貞字不缺筆。

按：余昔年見端方藏宋百衲本史記為劉燕庭喜海故物，其中十四行本正是此刻，存者凡六十八卷，而與此不複者得二十九卷，合之已三分有二矣。（日本內藤虎藏，己巳十月二十八日奈良瓶花村恭仁山莊閱）

**史記集解一百三十卷** 漢司馬遷撰 劉宋裴駟集解 存六十七卷

△七一八〇

宋紹興間淮南路轉運司刊元明遞修本，大字，半葉九行，行十六字，注雙行二十至二十三四字不等，細黑口，左右雙闌。板心上記字數，在陽葉半面，下記刊工人名一二字，有王全、王佑、王華、宋寔、李彥、陳彥、楊謹、楊守道、華再興、戴佑、韓仔、戚聰旺等，其中最古樸之板皆不記字數，疑即原本矣。間有略圓活者，當是補版。別有極粗率者數葉，則恐元時再補矣。黃紙印。

又有數卷，亦九行十六字，字有鋒稜，若大觀瘦金體，白口，左右雙闌，版心魚尾上記字數居中。即世所稱之蜀大字本。有吳雲跋。（南潯劉翰怡承幹嘉業堂藏，乙卯九月三日見於滬上）

**史記集解一百三十卷** 漢司馬遷撰 劉宋裴駟集解 存二十九卷

宋淮南路轉運司刊本，大字，半葉九行，行十六字。亦號稱蜀大字本，而與上本相較刀口迥然不同，毫無含蓄之意，疑亦宋時翻刻矣。（甘翰臣藏書。癸丑）

**史記集解一百三十卷** 漢司馬遷撰 劉宋裴駟集解

宋紹興十年邵武東鄉朱中奉宅刊本，中版心，半葉十二行，每行二十二字，注雙行同。卷三十三以後半葉十三行，每行二十五六字不等。卷二十八內間有半葉十四行者，每行二十七至二十九字不等，注雙行三十六七字，白口左右雙闌。序文八行，每行十五字。目錄後有牌子三行，如下式：

邵武東鄉朱中奉宅  
刊行校勘即無訛舛  
紹興庚申八月朔記

每葉鈐“蘭陵家藏書籍”朱文印，爲日本飛鳥井伯爵故物。

按：此本鐵畫銀鈎，字體彫工與瞿氏藏周易相類，是南渡初建本之精者。又，此書行款前後不同，或有因此致疑者。然以余所見，宋刊監本纂圖重言重意互注禮記半葉十行十八字，卷十五以後則爲每行十九字。又見元刊音注全文春秋括例始末左傳句讀直解，半葉十二行二十一至二十四字，卷三以後有十三行十四行不等，并有縮至十一行者。宋元本間有如此者，不足怪也。（日本內藤虎氏藏書，己巳十月二十八日閱）

**史記集解一百三十卷** 漢司馬遷撰 劉宋裴駟集解 存序目、卷一至四、五十四至六十、八十七至九十五、一百一十三至一百一十八、一百二十至一百二十六，共三十三卷

宋刊元明遞修本，半葉十行，每行十八九字，注雙行二十七八字不等，白口，四周雙闌，版心上記大小字數，下記刊工姓名。元補板大黑口。明補板細黑口，板心上方記弘治三年，或有國子監三字，下方記監生某人。目錄後有元代刊補官銜名六行：

“元統三年五月日刊補完成 儒司該吏高德懋樊道佑 所委監工鎮江路丹徒縣儒學教諭楊文龍 江浙等處儒學提舉司吏目阿里仁美登仕郎江浙等處儒學副提舉陳旅 承事郎江浙等處儒學提舉余謙。”

沈曾植氏跋云：

“南監集解向來校刊家不甚注意，余獨重視之，而苦無佳印本。今日與淳化本并几同觀，乃知此是淳化嫡子也。紹興九年詔下諸郡，索國子監元頒善本校對重刊，此其是歟？元統重修銜名亦有關考證者。寐翁。”

按：淳化本史記即余所藏景祐本，此本行款正同，而桓字已缺末筆，則沈寐叟所定為紹興重刊殆無疑義矣。乙丑正月藏園主人記。（余藏）

### 史記集解一百三十卷 漢司馬遷撰 劉宋裴駟集解

明正德十年白鹿書院刊本，十行十九字，注雙行。前裴駟序，次三皇本紀，次目錄。本書首行題五帝本紀第一，次列五帝名五行，第七行頂格題史記一。

按：此書癸丑夏得于廩市，乃正德時九江白鹿書院刊本。序二葉已佚，自他本影補。楊鄰蘇老人守敬見此，詫為難得，謂當與宋本同珍，為書長跋於卷首。

### 史記集解一百三十卷 漢司馬遷撰 劉宋裴駟集解 缺卷八十至一百

明末毛氏汲古閣刊本。清葉樹廉臨明黃淳耀評點。有跋錄後：

“康熙壬子之歲建戌之月朔廿八日在京寓閱史記訖，其文深閎，不可猝究，止于句讀而已。樹廉。”

“乙卯冬十二月，借得嚴舜工所藏黃陶庵閱本，用黃筆謄訖。陶庵先生立節立義於此本評論見其梗概，奉讀之際，如見嚴師友焉。樸學齋葉樹廉。”

鈐有葉氏印記及嚴福、嚴普藏印。（余藏）

### 史記集解一百三十卷 漢司馬遷撰 劉宋裴駟集解 缺二十卷，共存一百一十卷

明寫本。皮紙，濶簾紋二寸許，鈔手極舊，恐在明初。九行十六字，注雙行二十字，是照宋淮南路轉運司刊本影寫者。有銜名兩行：

“左迪功郎充無爲軍軍學教授潘旦校對 右承直郎充淮南路轉運司幹辦公事石蒙正監雕。”

此二行在曆書第四卷、表第八、列傳三十五、二十七、五十、六十六均有。藍紙書衣，明代原裝。

缺卷如下：本紀五卷，卷三、四、九、十、十一。表二卷，卷一、二。世家十三卷，卷三至八，十至十三，十七至十九，總計缺二十卷。（己未六月南游，文友堂魏經腴函告，旋寄樣書來，因屬出重值收之）

忠謨謹按：此書別有跋，收入藏園羣書題記三集卷一。

### 史記索隱三十卷 唐司馬貞撰

汲古閣本。有舊人校。據題，綠筆以中統本校至十二卷止。十三卷題云：“以後校對同異均用朱筆照改”。卷首鈐有“宋本”二字印，似朱筆爲宋本也。校例殊不明晰。鈐有“拜經樓”印。夾有松靄籤，錄如下：

“擎齋學士于此書意在校版而不在校書，如臨之訛林也，泉之訛泉也，授之訛受放之訛效也，裔與允之均屬避諱也，𠂔爲古互字，但當改點而不必竟改互也。此類未正難以悉數，隨舉數條，觀者當自得之。壬寅重九日。”（庚午十月二十四日收自韓左泉手。價一百元）

### 史記集解索隱一百三十卷 漢司馬遷撰 劉宋裴駟集解 唐司馬貞索隱

△八四四

宋乾道七年建安蔡夢弼東塾刊本，半葉十二行，行二十二字，注雙行二十八字，白口，左右雙闌，版心雙魚尾，下魚尾下記葉數。首史記索隱序，十二行二十一二字不等，四周雙闌。本書首葉第一行題“三皇本紀第一上”，下空五格，題“史記一上”，次行低四格題“小司馬氏撰并注”。卷末空一行頂格題“三皇本紀第一上”，下空六格，題“史記一上”。後空一行，空四格題：

建谿蔡夢弼傅卿親校刻梓於東塾時歲乾道七月春王正上日書





朱、“閩源審定”白、“汪”朱、“文琛”白、“臣印文琛”。

楹書隅錄以爲淳熙丙申廣漢張杅守桐川時用蜀小字本重雕者。

又，內有配本三卷，本紀五至七卷。宋刊巾箱本，十四行二十八字，注雙行三十二字，白口，左右雙闌，版心下方記刊工姓名。鈐有“敬之”朱文大印，極古舊。（甲戌九月十二日見於陶蘭泉所）

### 史記集解索隱一百三十卷 漢司馬遷撰 劉宋裴駟集解 唐司馬貞索隱

存本紀卷八至十二；表一至三，六至十；書一至四，六至八；世家八至三十；列傳一至五十六，計九十九卷

宋淳熙三年丙申張杅桐川郡齋刊淳熙八年辛丑耿秉補刊本，半葉十二行，每行三十五字，注雙行同，白口，左右雙闌。版心記字數及刊工姓名，可辨者有呂祐、李幾、李英、李良、張明、高彥、徐喆、徐榮、徐忠、宋端、供坦、章忠、章珍、昌彥諸人。避宋諱至慎字止。前有淳熙辛丑耿秉序，淳熙丙申張杅序，蓋張杅初刻於桐川，削去褚少孫補書。耿秉爲郡，復以褚書依次補刊集解之後，繼以索隱，而無正義。此卽錢曾欲求其書不可得者。陸心源跋謂以校王、柯、毛本及武英殿本，均有勝處，集解索隱糾正尤多，洵異書也。

按：此本向所未見，密行細字，體格方整而堅實，與紹興兩浙東路茶鹽司刊本通鑑相類，補版則纖弱矣。前後序皆鈔補。黃丕烈舊藏，而題跋無之，百宋一廬賦亦不及，豈晚收者耶！（日本靜嘉堂藏書，己巳十一月十三日閱）

### 史記集解索隱一百三十卷 漢司馬遷撰 劉宋裴駟集解 唐司馬貞索隱

年表七鈔配，八、九以汪諒本補

△五二三五

蒙古中統段子成刊本，半葉十四行，行二十五字，注雙行同，白口，四周雙闌。版心上記字數，下記人名一字，左闌外上記篇名。前有中統二年校理董蒲序。十行十六七字。間有補板，則黑口，無版心字數。藏印列下方：

“澹生堂經籍記”朱、“曠翁手識”白、“山陰祁氏藏書之章”、“春湖書

齋”朱、“天目書堂”朱、“欣遇草堂之章”、“惠階校閱”朱。

按：楹書隅錄載此本，闌外不記篇名，錢警石所舉誤脫字皆不誤，是別一刻本，且序文中統上加皇元二字，尤爲翻刻之證。此帙則真中統本也，與錢氏所記皆合。（辛未三月十日董廉之送閱，旋以一千一百五十元收之）

### 史記集解索隱一百三十卷 漢司馬遷撰 劉宋裴駟集解 唐司馬貞索隱

蒙古中統二年平陽道段子成刊本，半葉十四行，行二十五字，白口，四周雙闌，版心上記字數，下記刊工人名，左闌外有耳記篇名。間有補版，則黑口單闌，闌外無耳，無刊工人名。

鈐“古瓦山房尤氏珍藏印”。（癸丑）

### 史記集解索隱一百三十卷 漢司馬遷撰 劉宋裴駟集解 唐司馬貞索隱

明刊本，半葉十四行，行二十五字，注雙行同，黑口四周雙闌。前有中統二年歲在辛酉季春望日校理董浦序。十行十八字，後半葉鈔補七行。有集解索隱注，無正義。前有楊紹和手跋，錄如後：

“錢曉徵詹事養新錄記所見史記舊槧，一宋乾道蔡傳卿本，一宋淳熙耿直之本，一元中統本，云海寧吳槎客藏，計其時亦在南宋之季。嘉興錢警石丈校史記雜識中亦有中統本，稱假自拜經樓，蓋卽詹事所見之本也。予於吳本未得目驗，錢校曾錄副藏之。此本首載中統二年校理董浦序，與吳本同，然核之錢丈雜識殊歧異。雜識謂猶避宋諱，此本則否。又每葉末行外上角標題篇名，此本亦無之。至田敬仲世家標題後齊世家，尤錢丈所譏爲臆造，此本並不誤。且以校本勘對，合者固十九，而所謂譌者脫者此本多不譌不脫，如五帝紀登熊湘，注益陽縣譌益縣耳。夏本紀以出入五言女聽，脫聽字之類，不勝枚舉。判然出於兩刻。予按中統二年其時尚稱蒙古，迨至元八年十一月始改國號曰元，董浦序中統上署皇元二字，自是後人追改，必非段氏原刊之舊。顧追改者既稱皇元，則猶是元翻可

知。由是推之，吳本與此皆元代從段刊重雕之本，故於雜識所云密行細字大致略同，特此本已補填宋諱，校讐之功復加審耳。詹事直以吳本刊於中統時，則非也。予又藏有建陽尹覆本，標題款式全經竄易，望而知爲明人陋版，愈證此本的屬元槧無疑矣。蔡、耿兩本詹事所見者俱歸余齋，因並以此附之，俾相鼎峙云。彥和主人記，時甲子仲秋。”

按：余昔年曾收得中統本史記全帙，其字體方整，氣息樸厚，版式略爲狹長，與此大不類，余以爲乃真中統本，故其體格尚與宋刊相近。若此本字體散漫，刻工草率，決爲明覆本無疑。余別藏有明正統時游明刻本，持與此本相較，其版式刊工正同，則決爲游明本可知矣。楊氏未見真中統本，故其言游移不決如此也。藏園。（漢玉堂送閱。己卯十一月二十八日）

**史記集解索隱正義一百三十卷** 漢司馬遷撰 劉宋裴駟集解 唐司馬貞索隱 張守節正義 存河渠書、平準書，計二卷

宋刊本，半葉十行，每行十八字。細黑口，左右雙闌，版心上魚尾下記“史記河書七”，或“河書七”，左闌外標“河渠書”三字。

按：是書精雕初印，稜角峭厲，是建本之最精者，卽黃善夫本也。張菊生元濟前輩曾於正文齋收得殘帙，凡六十九卷。是田伏侯獲自東瀛者。此册前有“妙覺寺常住□典”楷書朱文木記，正與張本同，知此卷又殘帙之餘也。乙卯夏袁抱存克文學是帙相貽，余別以紹熙四年吳炎刊本東萊標註老泉先生文集一卷報之。乙丑春日藏園記。

**史記集解索隱正義一百三十卷** 漢司馬遷撰 劉宋裴駟集解 唐司馬貞索隱 張守節正義 卷一一七至一二二配中統二年段子成刊本

△一一二七九

元至元二十五年彭寅翁崇道精舍刊本，半葉十行，行二十一字，注雙行同，黑口，左右雙闌，版心下記字數，闌外有耳。目錄九行，大字。目後有隸書牌子二行，文曰：

安成郡彭寅翁  
采於崇道精舍

十二諸侯年表後有牌子二行，文曰：

安成郡彭寅  
翁鼎新刊行

按：史記舊刻宋本傳世者，檢各家目錄及余所目覩者，可得十餘種，而元刻傳世者轉絕罕，自中統段子成本、九路本外，惟此彭寅翁本。然中統二年當宋景定二年，尚未建號爲元，故世謂之蒙古本，未可降與元本等，則世傳元刊祇九路及彭氏二本耳。九路本余祇存殘本二十卷，十行二十二字，刊於上饒。此外舉世未聞藏全帙者。彭氏本流傳亦稀，余生平所見常熟瞿氏有七十七卷，卽張氏愛日精廬舊藏。沈子培曾植藏二十餘卷，廬江劉惠之藏一部。配入別本數卷。此本順德李芍農先生文田舊藏，其孫棧携携之北來，以蟲傷水涸，決計捨去。余以千金獲之，因屬良工精心補綴，閱一年有半而始就。整潔明淨，煥然改觀矣。”（己卯）

忠謨謹按：此書有跋，收入藏園羣書題記三集卷一。

**史記集解索隱正義一百三十卷** 漢司馬遷撰 劉宋裴駟集解 唐司馬貞索隱 張守節正義 存卷二至六、四十六至七、五十至五十五、六十六至七、九十二至四、九十七至一百四、一百十一至十二，計二十三卷，十一冊

元刊本，十行二十一字，版心上記字數間有在下者。及“史卷幾”。

按：此書沈子培曾植藏，號爲宋刊，余告以實元彭寅翁崇道精舍刊本。瞿氏藏有殘本，余嘗獲見。（癸丑）

**史記集解索隱正義一百三十卷** 漢司馬遷撰 劉宋裴駟集解 唐司馬貞索隱 張守節正義

明正德十二年廖鏜刊本，十行十八字，注雙行二十三四字，細黑口，左右雙闌。版心上方記每冊葉數總號，中記“史記夏紀幾”或“傳幾”，下記本卷葉數，闌外記篇名。標題小題在上，大題在下。卷末

記本卷史計若干字，注計若干字，一切行款均與王延詰本同，疑亦從黃善夫本出也。前有正德十二年閩中廖鏗序：

“太史公作史記百三十篇，繇黃帝以降，訖于孝武之世，凡傳記之所故載，靡有遺矣。然學者多尊師其文而莫得其書，有志之士憾焉！予曩游南都，觀國子之所積，則年歲久遠，琬琰剝蝕，蓋自中統抵今，翻刻者杪，是以良本廢蠹，闕漏罔稽，魚魯益繁，豕亥靡擇，斯固士大夫之責爾矣。於是困心衡慮，博采旁搜，十有餘年，始得斯本，若獲鳳麟，奚但拱璧。乙亥冬，隨侍家伯出鎮關西，遂謀于梓，用暢夙懷。然其所有則但紀、表、世、傳，而八書逸焉。間雖補之縉紳所藏，則訛文已甚，脫簡彌滋。於是殫心窮思，日就月將，參眡羣冊，斷擬至理，頗若苟完斯典，不墜前聞。自丙子三月至此，踰歲刻成，咸謂當有以志所由來，故輒爾漫及，匪隲微效，第永茲文。若夫孟堅所論，龍駒所稱，則自有博雅君子折衷於聖人之道，而是非得失固難以一人之言盡萬世之論者也。至於黃老之談，蓋當時所尚，行已有徵，非先之也。其云善敘事理，辯而不華，質而不俚，文直事核，不虛美，不隱惡，斯可爲名言實錄矣。夫列傳先夷齊而後管晏，所以尊高節而賤功名也。老莊申韓至同傳焉，其意云何？小司馬思欲續成先志，乃謂靜躁不同，德刑斯舛，遠近乖張，詞義踳駁，欲柱史共漆園同傳，公子與商君並列，則所以云慘礪少恩，皆原於道德之意，而老子深遠矣者，豈未嘗熟讀而深思耶！蓋既成一家之言耳，安能悉合於衆人之意！鄙諺有云：‘閉門造車、出門合轍’，難矣哉！難矣哉！”

正德十二年丁丑秋七月甲午閩中廖鏗序”（己巳）

**史記集解索隱正義一百三十卷** 漢司馬遷撰 劉宋裴駟集解 唐司馬貞索隱 張守節正義

明嘉靖四年金臺汪諒刊本。十行十八字，白口，左右雙闌。每卷首小題在上，大題在下，與震澤王氏本及秦藩本同，所微異者，大題在

下，以小字旁書。首行有“莆田柯維熊校正”七字。目錄後有牌子二行，文曰：

明嘉靖四年乙酉  
金臺汪諒氏刊行

前有嘉靖四年鉛山費懋中序，後有六年柯維熊跋。費序稱諒得舊本重刻，懇大行人柯君徵奇遍求諸家舊本，參互考定，歷兩歲而始就，視陝西之刻尤號精絕。又言陝西本正義無封禪、河渠、平準三書，柯君悉為增入云云。

按：費序所稱陝西本即正德十二年廖鏗刊本。此本行款與黃善夫本同，與王本、秦藩本亦同，當出一源。余嘗取與王本互校，可補王本脫文多條，視王本為善。然合宋元諸本參之，則汪本誤處亦正不尠。余別有跋詳之，此不贅。（丙子九月）

忠謨謹按：此跋收入藏園羣書題記三集卷一。

**史記集解索隱正義一百三十卷** 漢司馬遷撰 劉宋裴駟集解 唐司馬貞索隱 張守節正義

明嘉靖四至六年震澤王延喆刊本，十行十八字，注雙行二十三字，白口，左右雙闌。前史記集解序，大字九行十五字，注雙行二十字。序後有隸書牌子，文曰：

震澤王氏刻于  
恩褒四世之堂

目後有篆書牌子，文曰：

震澤王  
氏刻梓

索隱序後有王延喆識語七行，文曰：

延喆不敏，嘗聞於先文恪公曰：國語、左傳經之翼也，遷史、班書史之良也。今吳中刻左傳，郢中刻國語，閩中刻漢書，而史記

尚未板行。延喆因取舊藏宋刊史記重加校讐，翻刻於家塾，與三書並行於世。工始嘉靖乙酉臘月；迄於丁亥之三月。林屋山人王延喆識於七十二峯深處。

鈐有“盧氏藏書”、“盧文弨印”、“紹弓氏”、“抱經堂印”、“文弨讀過”諸印。

按：此書與宋黃善夫本史記行款悉合，知所據正黃氏本。然取與對勘，各卷正義奪佚者有周本紀、孝武本紀以下凡十條一百七十六字，疑王氏所據底本有殘佚也。然取校清武英殿本，其可以補正者仍有集解三十五條，不全者七條；索隱二十五條，不同者十九條；正義五十二條，不全者四十八條；是不失為善本也。（余藏）

忠謨謹按：此書有跋，收入藏園羣書題記續集卷一。

**史記集解索隱正義一百三十卷** 漢司馬遷撰 劉宋裴駟集解 唐司馬貞索隱 張守節正義

明嘉靖十三年秦藩朱惟焯刻嘉靖二十九年重修本，十行十八字，注雙行二十三字，白口，左右雙闌。版心魚尾下題“史記五帝紀一”，下題“天”、“地”等字，為每帙之號。每卷後記“史計若干字”，“註若干字”。前嘉靖甲午秦藩鑒抑道人序，次嘉靖庚戌秦藩允中道人序。首集解序，次補史記序，次索隱序，次正義序，次史記正義論例謚法解，次日錄，次三皇本紀。本書首行題“五帝本紀第一”，下題“史記一”。後有嘉靖甲午陝西布政使黃臣跋。（余藏）

**史記集解索隱正義一百三十卷** 漢司馬遷撰 劉宋裴駟集解 唐司馬貞索隱 張守節正義

明刊本，十行十八字，注雙行二十三字，白口，雙闌，左闌外有耳記篇名。每卷標題小題在上，大題在下。此本與王本同式，第闌外有耳為足異耳。

秦本紀第三十一葉索隱脫文與王本同。（海源閣楊氏書。癸酉）



**史記集解索隱正義一百三十卷** 漢司馬遷撰 劉宋裴駟集解 唐司馬貞索隱 張守節正義

日本古活字本，八行十七字，注雙行同。每卷大題在下，索隱已列入注中，是亦非從北宋本出矣。然列傳首老子伯夷同為第一，與余藏北宋本同，或從宋代別刻出耶！俟再考之。（丁卯九月十日地安門外冷攤收得，九十六元）

**史記一百三十卷** 漢司馬遷撰 劉宋裴駟集解 唐司馬貞索隱 張守節正義 諸本合配，存八十卷

各種版本具列下方：

宋淮南路轉運司刊本：九行十六字，注雙行二十或二十一字，白口，左右雙闌，版心上記字數，下記刊工姓名。間有元代補葉，則多黑口矣。存卷如下：

世家一至六、九、十八至二十、二十二至二十五、二十七至三十，列傳十二至二十三、三十三至三十七、六十七至七十，計三十九卷。

宋黃善夫家塾刊本：十行十八字，注雙行二十三字，細黑口，左右雙闌，闌外記篇名。卷後記字數，版心間記字數。存卷如下：

世家五至八，計四卷。

蒙古中統二年段子成刊本：十四行二十五字，白口，四周雙闌，左闌外有耳。存卷如下：

表三，列傳三十至三十二，計四卷。

元至元二十五年彭寅翁崇道精舍刊本：十行二十一字，注雙行同，黑口，左右雙闌，闌外記篇名，版心上下記字數。存卷如下：

本紀四，列傳二十四至二十九，計七卷。

元大德九路本：十行二十二字，注雙行同，黑口，四周雙闌，版心記“饒學”、“路學”、“番學”、“樂平”、“錦江”、“平州”等字。上記字數，下記刊工姓名。存卷如下：

本紀五，表四、五，書一至八，世家十八、十九、二十一、二十六，列傳一至十